

四庫全書

集部

欽定四庫全書

集部

鶴林集卷二

詳校官庶吉士臣瑚圖禮

主事臣呂雲棟覆勘

膳錄監生臣劉堦

欽定四庫全書

集部四

提要

鶴林集四十卷

別集類三 宋

臣等謹案鶴林集四十卷宋吳泳撰泳字叔永潼川人嘉定二年進士理宗朝歷官起居舍人兼直學士院權刑部尚書終寶章閣學士知泉州事蹟具宋史本傳史稱所著有鶴林集而不詳卷數藝文志亦不著錄惟永樂

大典各韻中頗散見其詩文謹哀輯編次釐
為四十卷放佚之餘篇什尚夥亦可見其著
作之富矣泳當南宋末造正權姦在位國勢
日蹙之時獨能正色昌言力折史彌遠之鋒
無所回屈可謂古之遺直至當時邊防廢弛
泳于山川阨塞籌畫瞭如慷慨數陳忠中竅
要本傳所載諸疏簡畧未詳今以本集考之
如紹定二年上西陲八議五年䟽四失三憂

及保蜀三策端平二年言元兵先通川路後
會江南不可不固上流三年乞預儲蜀帥又
論壞蜀四證及救蜀五策大抵于西川形勢
言之最晰良由南宋以蜀為後戶於形勢最
為衝要泳又蜀人深知地利故所言切中窾
會非揣摩臆斷者比實可以補史所未備其
他章疏表奏明辨駁發亦頗有眉山蘇氏之
風在西蜀文士中繼魏了翁鶴山集後固無

多讓也乾隆四十六年九月恭校上

總纂官

臣

紀昀

臣

陸錫熊

臣

孫士毅

總校官

臣

陸

費

墀

欽定四庫全書

鶴林集卷一

宋 吳泳 撰

五言古體詩

擬西北有高樓

高樓何名堯一柱西北隅橫當子午道峻直參井墟曲
瓊卷飛霞儼儼僊人居上通三重階下蔭十二衢傍樓
玉簫女織翠紛華裾僊人顧之笑授以青琅書邈言欲
從之媒拙而理疎丹梯目成久須憑大垂手

夫遠征

采繁浴春蠶夫婿今遠離貧無金釵別愁有玉筯垂朝
同火伴去莫獨衾裯隨百夫十夫長千里萬里期去期
日已遠征郎不顧返生理日就貧歲年亦云晚雖有乳
下男不能充夫丁昨日府帖下籍已書其名官軍獨備
北頗恤東西民勿言征錢輕抽徵將到人

采葛行

黃葛溪上生青條谷中垂薄言采其絲緝彼綌與絺縫

作公子裳遠寄閨人思
締兮淒以風不值當暑時
輕鮮未及御棄置忽若遺
雖則遭棄捐肯為風雨移
朝暮蒙楚中采采以慰飢
君看葛婦歌嘗膽味若飴

桂

南之山叢叢桂樹生也
直朱華自成林不雜衆芳
植上有青鸞棲因之為羽
翼移根上林苑零露滋曉
色豈不罹疑寒高標竦孤
特丹心能自渥身性不加
飾所以離騷詞嘉其秉炎
德相觀穹壤間人統形氣
識陽根為剛

明陰質為闇塞靈均莫能招聊與花辯惑

都大華文監丞權府事之明年天子詔將直禁
近邦之人有以三瑞為獻者曰雙蓮曰岐麥曰

九穗禾皆斯世之上瑞而萃於一時人目之以
為盛遂采民謠集成歌頌曲三首以紀其美

關二

短短菰蒲洲陰陰葭陂有斐嘉芙蓉雙蒂媚漣漪如
龍舒兩娥如沅湘二妃豈伊玉池種而乃生污泥斑然
爛雲錦襲人芳菲菲兩美諒必合佳人製為衣下承朝

露滋上戴夕日輝
駕言折芳馨歸以遺所思

詠懷

何草秋不枯何葉秋不黃
白露以潤之凝凝含晶光幽
蘭自華滋時菊仍菲芳粲粲園中葵亦得晞
朝陽被恩有如此後時果何傷
惟有警夜鶴庭前獨旁皇豈不欲
九臯翅翮莫能長湛湛被露斯
幽吟遂成章

送新蓬州程倅

美人其猶龍渴飲金泉水水狹又飛去
一息蓬池耳是

時天氣清衆綠事盥洗遐征溘埃風長袂躡螭尾天階
甫一尺民社猶千里還須手帝澤為俗洗瘡痍餘力裁
新詩或可代封匭

宛宛黃柳絲錐錐雜花垂柳解織別愁花能送春歸思
君遠行邁遊子心依依有絃不解揮有鏡不復治豈是
真不能持此欲遺誰河梁此時曲淚為生別滋但期如
水萍所寄良不移

送陳和仲常博倅嘉禾

柳色媚別駕桐花夾行舟慈湖一片心不上富貴鉤擊
却雲霧窓分渠月波樓但有月長清何妨波漫流
俗士騎戶限癡官摸床脣名節與官爵豈以全畀人子
方貴良貴我亦仁景仁終始議論間但保一色醇
未及與君別先歌送君詩浙西數年來風景非昔時紅
蠶不上箔青麥空生陂六經政之本無用別出奇

送長兒槃赴金陵典斛

皤皤六十翁碌碌三男子阿柴冠尚癡阿裕晬欲死槃

也年未彊早為貧出仕家庭所訓誨仕亦當念此敬則
能蒞官敏則能決事事長如嚴師擇交必端士儻亦人
子耳勿以盛氣使只效龍伯高芳名播青史

悲莫悲生離老至悲轉切阿爹領賓送諸母持酒別大
婦前致辭忽忽顏不悅歸來眎季女一夕亦永訣人事
長如此有懷向誰說淚緣親愛滋心以憂患折去去勿
重陳秦淮對明月

仕歷四千石官聯六尚書耕無田二頃居無宅一區余

豈不念子皇皇事田廬多藏損其志厚殖益爾愚貧乃
好消息此言誠不迂子官視庾氏俸廩頗有餘疎花會
結果小水長通渠

援以書戒子子竟不若翁陶以詩責兒兒只如頑童房
公豈不智集此書屏風堂基未及構手澤俱成空乃知
貴冑門美業真難終子雖有良質須用磨琢功射御亦
是學不妨隨元戎

玄雲拖榆塞白露塗楓林靡靡秋未夕邊馬已南侵子方從

軍去川陸迴且深虎兇咆曠野猩猱嘯高岑獨見金城外迎人
柳陰陰主人敬愛客秉義如斷金好將少年行轉作節婦吟

壽魏鶴山

人生瀛海內中氣胚暉之真元會清淑間代儲英奇扶
搖六月息濯羽於咸池冰壺貯虛明璧玉含清輝阿閣
引鳳巢小山結桂枝肯遺金門步乞取青藜歸要福不
椒醕延年不瓊糜至仁彌爾性純嘏無窮期

瀛溪雅愛蓮程子樂觀魚生機不停息天理原平鋪美

人湖上來挹繡天東隅清氣蕩喧濁德風振纖枯人酣
鶯花國雨滿菜豆區肯縻爾好爵而奪渠貞符鷹鷂好
彈擊乃謂鸞鳳疎願言崇明德永作國璠璣

壽鄒都大

大儀幹四運環轉當初陽天根起自復氣踵生以黃卓
然五陰中標示君子祥芳芸豈不馥碩果終自香有開
南國彥氣稟惟純剛况逢子之半弧矢射四方浩然祖
鄒人清介如道鄉源流義理熟滋養苗脉長自登蜀道

來玉節明於霜潢池有佩犢紫邏無羝羊星回參井間
草木爛以光種善如種禾去惡如去稂只從一念中
野皆斯臧玉粒不用餐石髓不用嘗台背而兒齒好德
自爾康笈渠役役者日景以線量

壽楊崇慶二首

英英赤文鳳生此岷之陽覽輝孤竹根振翼千仞岡德
音乃驚鷺下引鷦與鳳承旗從華蓋吹玉朝紫皇顧瞻
朱丘深殆似阿閣長肯以令儀桀而使繒弋傷集須集

桐花食不食藻梁矜看發丹味舜殿歌明康

清露團火旻素月分白道三湖足秋色天以賜賀老紅
萼正酣酣翠翟方稍稍閒情觀池魚生意玩庭草旨酒
常在壺瑤琴弗離抱靈臺儻清明豈不長壽考方朔謾
竊桃安期苦嘗棗願言西風時眠食常健好

壽范漕

春山巖方芽春院桐始華暄風蕩紅紫還似綠幄遮老
僊坐鹿園淨眼閱歲華會須乘五羊結佩凌飛霞

豫章富人物山谷人中豪雖從老坡來頗服舂陵高泰
和善鼓琴涪水不擬騷安知百世士於此還一遭

入窻月疎疎滿坐春盎盎事機儘盤錯收入經濟藏魚
方在沸鼎獨以袪沃漲靜言平寇功當置裴李上

鷹鷂好彈擊自謂居使之鳳凰不驚搏羣狡亦莫欺但
使德意多何用風采為西臺十六州人自春熙熙

方朔謾竊桃安期苦嘗棗世間長生訣自致元有道碩
果終是香靈根不曾老作詩頌僖公俾爾彌壽考

擬古三章留別果山同官

邊馬思北依晨風思北飛役役會有還之子胡不歸欲
歸又北征適與風馬期憂端來無方人則莫之知不傷
道里遠所惜光景移肯以蘭桂心化作秋草萎行道各
努力吾亦從此辭

巴之水泠泠青山復成圍含暉排戶來頗若有所思謂
雲為無心終日長不飛謂草非有情盡為乎忘歸凡物
各有繫余豈縻於斯俯川觀魚泳仰空看鵬垂一笑有

會心釣弋何所施

同門二三友星弁嘗蟬聯一日兩會面三日一共筵花
時碁聲裏雨夜詩籌前斗酒相為娛餘歡則陶然永言
懷及茲餘愁浩如山未別已足惜別後誰慰顏陸揚未
可俟寄聲斷鴻邊

用葵軒送定叟平昔兄弟間首句送季永弟赴
省

平昔兄弟間如友相箴規每於和順中切切而惇惇筆

硯三十年風雨無停披草衣而糲食穴坯而敗帷子文
實勝僕而我先子飛子不呂脫獲便廢鋤與犂有文績
如絲有鋒利如錐拓開大規撫不作小榦枝果然昇春
官粗愜心所期對床味可永今又征行西此別固不惜
豈無深長思庭萱日就蕪門戶一線微子若不努力誰
與相扶持文章但平易毋呂驕出之共登青雲程了此
一段奇却歸坐北牕脫去名利羈於皇太極蘊力與求
真知

送李鴈湖大叅赴遂寧

拍拍鴈湖水深深歸鴈亭鴈歸三四年相伴湖水清燕
私豈不樂國爾終含情龍章倏夜下驚赴鷗鷺汀鴻雁
雙翥翰眷焉乃東征載辭龍鵠椒復問鸞花程輜軒驚
華轂高蓋羅翠旌康屯豈無學銷暴不以兵蔚藍舊草
木再色新威明寄聲受屢者明府如父兄

恢恢大儀中扶立惟三綱國風怨以怒王道蕩無章栖
栖魯東家秉筆修天常廉陛不亂紀冠履不易方斯今

世運頽禮義維楫亡三邊且病痲羣盜方鵠張兵如潰
隄螳民甚頽尾魴厲階倘不夷零露將侵裳李侯世柱
史識此治亂防揮袂別廣筵振衣登高岡願言茂遠猷
挽河洒天狼

劉園九日燕同寮效陶謝體

霜林剪生綃煙樹織晴綺萬寶新告成百工亦休止嘉
辰屬南山勝事如栗里謬為陶長官寧惜此中醉良朋
况知心健會不論齒鵠夷自挈携握筆漫游戲清歡別

有趣真樂本無味菊花之隱逸亦欲妃君子獨於蕭艾
中保此生色睟涼颼忽吹衣白露皓如洗光隨數至剥
剥落從此始擬將九九節便作陽月紀

九日閒居讀陶詩有懷

天蓋不住旋日車不停馳西風下木葉那復有靜時造
物尚爾勞人生能無為我於大化中縱浪何所羈倦則
熟午睡飢則愛晨炊既無大患及亦無好爵縻但得長
如此樂焉復何疑

此龍能負熊行雨雲霄間犂牛不執鼠野性長在山才
者常苦勞拙者常得閒靜中閱物理役役會有還所以
陶徵君猛獸名利闕書不求甚解褐不求常完是中有
真意此外無戚顏懷哉千載人卷書一長嘆

閒意不在遠吾廬自成趣竹陰混午醉菜甲疏曉露庭
草更不除樹禽日相語每繙架上帙旋讀輒忘去佳友
或會心往往談至莫以茲率為常彌覺太多事却思對
床眠尋味所樂處

天地大廬舍誰使渠滔滔擬如原卜居卷屋皆波濤又
思囚山賦匪虎吾狴牢獨惟安樂窩邵子差雄豪駕言
欲問津蔽吾以蓬蒿頗思振衣起濁酒且自陶一生任
運耳目送冥鴻高

壽范潔齋二首

明河耿高樹素月流澄瀛嫋嫋來金風秋意浩以盈美
人自西方鍾此一氣清如潭貯皎潔如室生虛靈矯節
麗有暉高情澹無營昔含雞舌香曾以鳳唼鳴不登金

張館嘗抱箕濮情倏焉冰山銷揭若黃道明衆星已牢
落太白猶光熒英風自骨鯁心事元夷平會須朝紫皇
提筆福蒼生

玉山一何高堂與青雲齊上連寶臺峻下瞰金壁低中
有二老僊駕鶴俱不歸苔封箕山碣霧濕太史題豈期
芸省郎再折侯藩珪芳猷紹前印英氣截雲霓理亂如
理繩牧民如牧羝燕開登南樓就以雲作梯喜年玩秋
稼撫物觀春萸不貪老氏寶不秘莊生倪至仁彌爾性

金剛經卷一
壽齒今復齧

卷一

題承天心老萬佛閣

我聞諗禪師斷薪接繩床揚岐初住省撒雪滿屋堂庭
松下法子鉋水注道漿看來古佛心不為屋有亡心公
自別宗眼碧鬕又霜更接十千衆建此新道場梯空挿
璇題會海結瑤方自營不住心每唱無底囊如明珠走
盤如利刀截肪呂茲衆生故苦為諸佛忙寥寥一貞境
渺渺萬法航泥空竟成著墮有終是盲青燈落簷花吾

道千丈光

世言安期本策士而不識心公為經世之才其時拓開潮溝大建佛閣直是有滋泉活人

手段余不作詩久矣故書此戲之

和趙尚書無辯詩

夫子動以易孟軻性其天或毀或沮之於我何加焉天地猶有憾伊人得無言笑彼徇人者區區欲求全

熱不棲惡木渴不飲盜泉佳兵不祥器只為名使然孔明桑百株楊子田一廛靜樂豈無此行藏却由天

獬犬吠漢月黃雲塞江天江淮我家門守地何擇焉婦

嘗勸減竈苦口為母言早使言得行家門更安全

詞人工為文瀑瀑如飛泉辯士說利害皸皸火始然浮
華不經實胡取三百廬吾生信拙爾道勝還諸天

程順子升齋

雨養焦穀芽清晨勃然興風入春筍節一夕長數層地
道元敏樹生意實可徵一息不滋長枯荻莽丘陵所以
務學者進德長如登禮義所封植忠和所薰蒸湛然清
明氣於此中夜存德盛仁既熟始如日之升今人廢下

學乃以高自矜譬之凌霄花霄竟不可凌子歸且近思
從下觀上騰謙謙以自牧洞洞如不勝舜顏亦人耳毋
謂人鮮能

和曹憲金華山韻上李鴈湖

楚臺快談風梁園騁歌雪濫觴起九章流波到七發雕
空竟何事如以紙帖月巽巖錦褰衣鴈湖木霏屑

百卉冬具腓喬松立霜雪老枝自擎重既晚逾秀發勁
挺真大臣回邪走妖月金非百鍊剛那不因翠屑

浮名鏡邊塵，驕氣爐上雪。胡為認而有，引滿猶不發。
有懷東方人，書眼高照月。紆徐如行雲，去就不爾屑。
奔鯨甫息波，獬子還吠雪。憂端壓不住，耿耿及明發。
師費輒千金，糧儲亡三月。智哉陶士行，先貯頭與屑。
倚梧未成琴，脩幹埋積雪。嶰竹斷成律，其竅春自發。
所遇時使然，誰與指標月。仙翁急抽關，乞我雲母屑。

七夕聞鵲

凍雨略洗車，炎暉復如礮。桃笙眠未熟，屋角乾鵲噪。借

問鵲何來下上音載好此聲固非惡枉為閒者告適情
便為喜喜不繇汝報用靜則為吉吉不緣汝召蕭牆尚
我踈行人為誰到勸子莫饒舌移語朱門道

黃姑西不娶織女東未嬪絳河咫尺間可望不可親欲
遣烏作使烏黠言未馴欲詔鳳為媒鳳老味不靈獨有
雕陵鵲造梁河之濔頻年事填河頭禿弗愛身胡然此
今夕疆疆語依人熠燿渡機石鷺鷥窺漢津鵲昔號神
女至此不復神緬思成橋事謾語抑不倫直須明河水

金史四庫全書
卷一
盡洗千秋塵

變歐陽子秋聲

銀河耿高樹，璧月流中庭。
有聲西南來，厥聞浩以盈。
或泠泠為風，或殷殷如霆。
元戎嘯中軍，猛士赴敵營。
但聞人馬行，弗省金鐵鳴。
天地始氣肅，乾坤亦塵清。
豈有一草木而不知秋聲。

和虞滄江見寄宴坐聞秋香

春芳如麗人，驕色不肯除。
秋芳如高士，一味甘恬虛。
我

聞本洞然香風來虛徐滋蘭露承掌延桂月滿裾門巷
柳濯濯林塘竹疎疎真意儼分列遠心更莊舒庭前兩
好鶴知幾年歲餘或睨立倚窻或飲於清渠常恐緇塵
染回視根性初塞余滄江人人豈不鶴如起尋月中旬
遙睇花外車八表方雲昏尚無返莊廬

塞鴈

鴛鴦在魚梁在在能戢翼黃鳥止丘隅止止得所息相
彼鴈與鴻胡然生塞北城暗候火驚雲低空弦逼官軍

夜擊鼓奴或告之巫師老糧莫支健兒恐烹食哀鳴號
窮邊莽是狐兔窟天地生為心曷使至此極所以周宣
詩矜人要安集

送游景仁夔漕分韻得喜字

桐花繁欲垂柳色澹如洗深谷艤行舟忽忽春莫矣廬
山蕨已肥荆渚魚正美提携赤藤杖炊煮白粳米佳處
有會心歲月不須紀繫船且夷猶却待荻花水江平風
浪澄再與歌至喜

送鮮于漕

文字微妙訣到底元平夷詞人不能工變怪生崛奇汶
上大者得法靈均師修辭滋其平不呂怒出之白雲
自多態流水長清漪作者云已往知者其為誰九誦的
子孫八鸞行康逵天將蘇其聲復見風騷遺

樹德必欲滋去疾必欲除世人亡分明蒿蘭同一鋤鳳
兮德之美誰不相稱譽翻韞下霜雲義蓋非鵲如煌煌
繡衣彩炯炯清水壺衣以將直指水以勵廣隅持此踰

二年相眎如一初去去登烏府昏鴉遶林呼

塞應叔自宜興寄近詩和馬字韻

仲連本策士元亮非隱者舉世莫知我懸車息其馬
船陽羨頭停策計山下水自娛人無煩絲竹寫
吾老百世休輟書學耕者祈年占土牛喜雪掘玉馬
海
蒼帶鹵燒谿尊和豉下却憶古蠶叢晤言莫能寫

欽定四庫全書

鶴林集卷二

宋 吳泳 撰

七言古體詩

天馬引

隴西之野龍駒驤追風脇月坤為裳竚雲亭亭廣顙直
夾鏡炯炯雙瞳光飯以玉山禾飲以瑤池漿自成骨格
異赭白活出神采遺玄黃三千牝十二閑俛眎但覺皮
毛凡飲江曾濡六轡濕致遠又逐雙旌揚收則在垌野

貢則歸天潢，寫圖仍上穆。天子跼蹙，但笑羣觝羊。

擬湖邊採蓮婦

短裙纈渠衣，製荷採蓮女。兒凭船歌歌，酣弭棹解塵韞。
微步演迤凌寒波，薄言采采湖之沚。買鏡無錢賤生理，
遙知浪水不可照。只仗清流作知己，蓀為橈，桂為棹。脉
脉環湖翠煙草，急歸掩關中。夜思欲致美人伊，有道

促促詞

促促復促促，急柱危絃無好曲。樂日常少苦日多，男耕

女桑長不足麥方在場綃在軸里正登門田吏趣東隣
女兒當窻看西家阿嬈闌道哭閒時輸官猶自可況是
兵符急如火近聞官家榜村路運糧多要人夫去妾貧
猶足備晨炊不願身為泰山婦

獸之窮

獸之窮逼我牆韓盧走兔無窟藏江麋假息尚撲朔穴
鼠無技猶張皇我餌豈不甘我纓豈不長狸步張侯虎
為落豨未及獻弓先亡獸之窮莫抵當澤虞不戒專諸

忙春蒐猶禁塞榆白秋戰不耐涇水黃昔聞養鷹志在
逐無使飽食棲平岡

梁父吟

梁父吟維山高高維水深白石爛兮飯牛曲滄浪清兮
鼓枻音艾薪豈不賢反被妻子瘖投筆豈不壯交友不
諒心用則宗彞在東序不用土缶埋汾陰梁父吟問梁
父青史功名在何處長須肯酒置高堂莫使青葵委零
露臨風惆恍歌一曲鳳舞鸞翔應簫玉

漢中行

漢中在昔稱梁州陸腴壤沃人煙稠稻畦連陂翠相屬
花樹遶屋香不收年年二月春風尾戶戶澆花壓醪子
長裾濶袖低蓋頭首飾金翹競奢侈自從鐵騎落武休
勝事掃迹隨江流道傍人荒鳥滅沒獨有梨花伴寒食
君不見當年叔火然携老扶幼奔南山又不見掘項橋
邊事七八千兵同日死死則義魄猶有歸存則偷生漫
如此三人共一椀燈通夜紡績衣鬚髻八口同半間屋

煮構推水常不足家糧一石五券錢一半入口一半官
男擔軍裝出邊去女荷畚鍤填濠還官知民貧當愛惜
兵者衛民貧不恤且如今年春又經征戰苦風塵未動
力已罷殆以饑羊飼豺虎梁山奕奕水湯湯知他見幾
玉節郎昨日漢川過香氣夾道花成行還撾青鼉鼓復
擁白鵲旗帳犀殿後車懸鷁營中聞之暖挾纊盡道節
制吾父師東軍本皆孝順兒好在良牧綏牧之太清魚
不蕃太緩琴不理師中有言當自求度外無功更誰喜

秋風淅淅吹芙蓉山童喚我歌漢中中欲歌兮可奈何
為語前途胡秘閣莫使兵貧復如昨

謂安撫兵部秘閣胡公齊也

堰上行上周憲

堰上行桃花灼灼春水生水纔一石泥數斗彌漫漉池
浸渠口樹以淇園竹蓄以漢堤石石填竹落知幾丁駕
作青霓千百尺一夫褰茭前一夫荷挿去旋燒香紙祭
水庸更酌村醪賽田祖鹿頭北海眼西綿洛一帶填淤
肥芋麻漚池禾稻長雖有旱曠無凶饑今年狼頭窺井

絡羅堰九星幾缺角匪天十風五日雨陸海將貧水維
濁上帝憫下民親遣蒼水使西門驂前白渠後指畫田
塍若鱗次新堰舉舊堰修野媪含笑谿童謳自言春種
皆茁土桔槔長閒卧畦圃明朝百役非所知且樂豐年
踏車舞燕泥新濕花雨斑四牡趣嚮東郊還地平天成
九功叙今秋都築沙堤路

贈星翁郭若水

月臨南斗退之懼宮直南箕蘇子憂片文隻字不經世

赤口白舌空招尤我生之初函二氣地則五行天五緯
羅計二宿括半天太陰一星宅肯位郭生本是郭璞徒
推步太精言轉迂按圖只說萬言錦經野未辨天官書
大遊正照參井鄉蚩尤不歛旗方張瞥將巧厯莫推算
為我占取我眉太白何時康

遊大玲瓏小玲瓏

小玲瓏大玲瓏平林突起羣玉峰霜鋤剪取碧磈礧雷
斧鑿破青嵌崿自有此山生此石鬼削天劍更無迹泗

濱浮出瑞玉磬周廟橫陳古蒼壁蒼官儼冠釵翠官披
琅玕好風吹月來光動九琳軒守庵道人形野倨白領
方袍草為屨頗奇二士入洞來引向高亭最幽處他山
豈無石弄假不似真平泉馬鹿跡何在南墅甲乙名灰
塵說真辯假無時了山童隔竹敲茶臼

洪都病中夢與太白同登峨嵋亭有賦

翠浮天宇兩眉修不著塵寰半點愁錦袍仙人去不返
乘月忽作斯亭遊月懸水底不受捉牛渚磯翻酒星落

氣湧如山白浪掀聲悲動地終風作我思弔古登翠微
點檢舊題無白詩生平白眼睨力士焉肯嫵媚歌峨嵋
楊林渡頭采石口一處風寒幾兵守寄語中流把舵翁
莫使江山落人手

壽范翁

辛夷如雪芳事闌飛絮卷地春風酣連陂和雲割青麥
隔塢趁日綠紅蠶今年夏氣清較早雨後西山翠如掃
女兒負笈男帶鋤誇說皇華使家好使家天上一角麟

手握雨露呵星辰綠林無風草木靜紫塞有備煙塵靖
鹿園鎮日長徙倚心事如平一池水蓀蘭不惜手種植
蕭艾依前力鋤薙槐龍影轉花又黃造化乃為諸生忙
春闈瀟細靡罅縫選吏親校如秤量老僊自是文盟主
曾抱長蛟著繁露好將鼻祖三昧法直嚮金華講經去
有香不炷梅林香有酒不酌瑤池觴願公歲歲常壽考
賸寄詩筒祝難老

西湖訪梅

欲休不休歲垂晚似冷不冷霜復晴起撐湖船訪梅去
一點兩點藏林垌主林無神花氣薄樹影庚庚香漠漠
誰能細玩復與臨靜處測破梅花心橋西水北弄明月
醪酒獨對青山斟自有此山無此客富有他花無此格
西湖處士不可招鴉點孤村暮雲碧

祁山歌上制師聞敵退清水縣作

祁山之西當太白戰士彎弓抱明月散燒煙火夜宿兵
遙見狼頭一星滅明朝探騎前來報為言敵死秦川道

牌使前呼大隊回鵝車砲坐埋青草黃河口清水頭水
聲嗚咽河不流軍中遺言更慘酷靈夏名王亦屠戮中
間被掠邊丁苦牧放牛羊食禾黍牛羊得食人轉飢日
想南朝拜降去朝廷有道督府雄三關之險風不通健
兒長鎗及馬腹壯士勁弩當心胸帳犀前把石門隘遙
望紅旗圍盡解輿師等第喝銀帛三將同時賜金帶凱
還吹落桃花風捷書屢奏甘泉宮綸巾蕭然羽扇淨一
字不說平夷功離鴻迤邐集中澤鴉噪山田忙種麥七

方新堡高挿雲腐鼠何能更相嚇書生每夕繙青史爭
戰場中看千古狸亡虎滅自有期天道何嘗厭中土夾
城雲赤戈劒明通衢夜白鐘鼓清更待公歸戮力就太
平

壽梁漕

維日在婁春事殷維桐始華天氣新亂紅遶樹綠幄均
櫻筍又薦冰盤珍知是燕胎協卜牛宿會辰繡衣立當
霄漢春驪駕飛度天河津帕中玉屑糧未陳鏡裏寶月

光逼真廉如一條水照人健如九臯鶴離羣舌根不道
煙火塵鼻端那受富貴熏手探囊方皆术神袖出薦紙
生煙雲兕觥祇酌春酒醇衣佩更取秋蘭紉民居安安
鴻鴈賓吏膽帖帖烏鵲馴王母之桃莊生椿寧如洙泗
一字仁願言福星當紫宸光照鄰女長無貧

送李伯勇分教閬州

明王不興威鳳衰直筆無傳老麟死春秋大誼炳如日
讀者昏昏視為史濂溪之後伊川程文字雖少源流真

挾開珪藏得胡子一洗紙上千秋塵伯兮有勇弗可遏
高閣諸儒祖河洛羣玉洞見標月指衆醉醒聞候風鐸
當年進書一布衣能取天上清名歸秋澄講幄玉色動
春拂祕館芸香霏紅塵不踏東華路綠綺還携閨風去
舟行若上離堆山莫把魯公雄文勁筆埋沒蒼苔間

瑞麥歌

爰采麥矣岷之陽麥秀蘄兮登我場岐岐而生自天產
兩兩而並維星祥我行其野逢鄭長鄭長忻然持穗往

自言此穗實秀時六稻俱垂惟麥仰晉之四繼唐六岐
雖有其物無其時我君聖武綏萬邦我侯駿德為藩維
君臣堯舜禹十風五日雨干戈偃息將兆和拍手齊唱
崆峒歌

同程季予遊李園和張仁溥

頑雲不雨風稱雄掃花晚坐蓬萊宮幅巾野服纔相逢
華茵解下金線絨人道青田雙鶴平輿二龍笑揖羣彥
時一中百寮之山直叢叢回廊窈窕庭陰濃園禽語變

春事空水花色靜天機融歸來笑傲掀短篷溪澄月白
聞笙鴻

賦半齋送張清卿分教嘉定

斗城將軍半段鎗漢宮美人半額粧碧眼禪僧坐空室
花雨半床雲半窻道如大路皆可遵不間不界難為人
卓哉聖人門猶惜二三子冉求只向中道畫季路僅及
升堂止窮山必到嵩華顛窮水必極崑崙源若非身心
實造詣未免口耳空啾喧子歸試取羣書讀飽秣吾駒

飯吾僕却將全體為渠說盪出峨眉半輪月

八月十四夜神泉官滿再別同官

有客有客白其馬日倚垂楊問行者式微式微胡不歸
未歸滿耳聞別詩斷絃再續情緒惡別酒重稔味如蠟
袖中雖有金錯刀滿鏡愁雲莫能割是時月露秋平分
庭前喚月月不應就令喚得山頭月照我離筵越愁絕
陶靖節潘安仁種秫滿畦花滿城潘花陶酒總陳迹不
如昭文氏之琴不鼓無虧成芭蕉漱漱連夜雨桂子紛

紛落庭戶旅鴈無儔顧影單明朝且嚮龍巖去

送毅夫總領淮西

莫沽金陵酒莫折金城柳但觀二十四橋月夜夜淒涼
照淮口孤墉不下兵轉飢河水淺狹紅賊窺就今秋高
不飲馬安得會有休兵時赤雲燒空秋岸濶雨少潮低
運溝涸莫從局外鑒全勝緊向碁心尋活著昨夜歸來
聞好語大兒踏歌小兒舞喜言邊敵歸故巢且省沿邊
轉般苦邊民之苦自古然其媪荷鋤翁戍邊老翁無力

助王國但願主聖羣公賢上卿奉使亦奇事肯為邊氓
勞撫字酒酣拂劍歌皇華拖樓紅濕汀蓼花

新江行壽張憲亨泉

君不見堯時伯禹作司空應龍尾畫江道通又不見秦
時李冰作太守犀牛厭勝水晶走蜀江開鑿四萬八千
載二后英靈儼如在雖然陵谷有變遷水嚮東流不曾
改西岷山南溷崖神營化造如劃開蜀人好恠漫弗省
龍豈能智犀豈能穰畱年來江塞崖据險水束三川激

如箭陽侯吸哦佛不靈黑螭磨牙蛭吐焰五月尾六月
頭瓜蔓水退礮山水流中間青沫最湍駛風雨瞬息能
湛舟鮫人淵客弗敢睨而况商婦能無愁懷哉古人智
如此胡不鏟盡白險直使平如洲使家河源來弭節青
衣國橫槎展拓萬里天力浚江南障江北百夫荷鍤千
夫荷鋤號召海若同鑿疏經營不越四弦望白練剪出
澄江圖輕輶晨興亦勞苦繡爛衣明濕煙雨不惟佛灘
之耻可湔雪名與離堆傳之萬萬古乃知天地間靡事

不可為若鳥獸草木驅虎豹象犀藏冰盼冰凌人掌出
火內火烜氏司吾身代天事到手那得辭決川道海亦
常理竈門老婢不慣駭且疑好將新江水都為一洗之
浮雲空寶鑑淨公之壽兮如江之永不妨桂棹木蘭船
陶寫流光入觴詠花泉有客空抱絃曾拊三疊逢胎僊
寄詩孤雲斷鴻邊

欽定四庫全書

集部

鶴林集卷三

四

詳校官庶吉士

臣瑚圖禮

主事

臣呂雲棟覆勘

騰錄監生

臣劉堦

騰錄舉人

臣杭光晉

欽定四庫全書

鶴林集卷三

宋 吳泳 撰

五言律詩

和李憲使

關上青牛去林間白鶴歸月函書味澹霜浸道根肥草
樹連生色魚梁閔殺機晚年偏好易落處是麻衣
比歲兵戈息山民幸有秋麥畦翻雨種瓜圃帶霜收瑾
戶夕熏鼠荷蓑晨飯牛使家廉到骨清議在鋤耰

春日成都寺桐華一院芳窻踈紅卷跋煖雪吹香論
事惟三代評詩宗晚唐開編疑未瑩今欲扣山房

送楊子達入國學

鸞鳳久束咮賢關時一鳴子今觀上國志豈為浮名母
線絲絲直爺詩字字情別離非所惜回看錦衣榮

雪夜

雲蒸黃野潤月瑩皓庭清夜靜悄人迹溪流皆雪聲帳
吹燈彩暗爐撲火花明遙想鷄人誤鳴歌報六更

雲溪舟中讀唐人詩

大雅聲纔息騷人詞競興
語工終離道味泊祇如僧
霜夜杜荀鶴秋風張李鷹
撫綸吟魄動飛雨灑船燈

冬至

閒居罕人事慵把厯頭開
雷自地中復風從天未來
網緼初熟酒的醪未開梅
道盡真光景堯夫好秀才

挽羅宗卿

曉月璿源澹春風璧水香
一條冰透骨五色鳳鳴崗
翳

彼菟裘老傷哉寶鑑亡囊封尚生意今與日爭光

挽鄭文昌

何代無豪傑惟公氣獨剛束身同絞紵遺訓闢緇黃定
力老逾壯英魂凜不忘蜀名省科調猶說鄭文昌

別歲

故鄉於此時釀熟歲豬肥骨董羹延客屠酥酒餉兒竈
塗醉司命門貼畫鍾馗多少傷懷事溪雲帶夢歸

和制垣金泉山

昔日南充縣卑棲枳棘鸞道根隨境悟屐齒過橋寒夢
覺松花白重來鶴頂丹僊翁梨棗熟亦欲傳脩翰

小雪

卧病連三月起來幾半人腕柔妨草聖目眩隔花神
魄豈常望殘芳不再晨徘徊盼庭樹猶喜小陽春

壽李鴈湖

間氣生賢詰斯文擅正宗味鳴直是鳳時見恍猶龍
信史傳絳簡元勲在鼎鍾惟存霜後節景仰彼高松

往在黃樞府璇題護兩扉剪除當路棘紉補坐朝衣風
急操舟濟江空擲釣歸年年湖上鴈旭旦望南飛

起從通德里出守巽巖州上相先聲到兇徒悍氣柔鴻
居新勞徠烏戶舊綢繆已築沙堤路歸歟贊大猷

金碧蒼巖下神光射斗箕豆灰浮琯後梅蘊破氷時正
是生申日誰為壽卯詩今年真六一說與醉翁知

和晏子忠

天地肇開闢江山誰主盟岸深沙走白石秀水含清魚

自春來美猿雖曉不驚汀洲生杜若薄欲采其英

每逢耆舊問誇說太平年橘柚三冬富荷花萬頃聯斷
巖書姓氏勝迹已蹄筌羣盜方如蝟渠鞭恐著先

我往纔秋莫君來恰歲寒離鴻書落莫歸馬路平寬白
社論心易文壇出手難近來詩思澁風雪立雕鞍

出關

曉帶鷄星出春從鳥道餐霧漫旗彩壞霜落釵花寒天
險今雖在人謀昔所難臨關能虎眎一亮亢曹瞞

冬日

四時平似準冬日頗傷暄
暖驟狂花坼霜輕野草繁
林鷲飢跼水山鬼暗窺垣
便擬懸車計無人為買園

霜朝

欵乃湖歌斷瓏璫晚色歸
鷺翹窺水鏡鷗凍泊垣衣
密坐懸書帳清吟刮硯澌
歲寒誰耐久獨有翠兄知
唐人以竹為翠兄

壽胡興元三首

幾代貞元會還生忠簡孫清風拔薤本愛日護葵根足
馬馳周道分公翰蜀門保安橋上路手滌瘴雲昏

皂蓋開藩日黃河洗甲時柳陰承羽葆花氣撲旌麾兵
悍須柔止民若莫勝之麥頭如得雪來歲可休師

耿耿三秋別悠悠四月餘菊潭聞上壽梅驛急馳書簇
鵲紅成陣駢筵翠曳裾封侯平四十前路儘寬舒

壽丞相慶七十五首

幾代貞元會重逢上相生閔人冰鑑淨遇事玉衡平日

月黃扉永風塵紫邏清勛名兼壽考何必會耆英

昨夜聞宣鎖虛皇注意深三師分漢制一尺瀉商霖未
白憂邊髮仍丹報國心黃封留壽酒且把斗杓斟

渤海兵戈靜全淮版籍歸紅繅蚕蠶大紫擘蠚螯肥柳
港添生色榆關闕殺機君王新御殿莫使諫書稀

誕日逢今日新年勝故年良風宜望歲甲雨不妨田
米多堪糴京交漸直錢隆興須再見人道魯公賢

自闢翹材館才隨數路求蘭茗和露摘橘柚帶霜收味

適方調鼎裝輕不駕舟有懷吟未盡獨鶴遠山頭

和張周玉訪別

白露下百草年光驚易徂郵亭人折柳別浦鴈銜蘆社
甕應藏酒秋盤好斫鱸賢渠陶靖節晚歲覺迷塗

挽李寺丞

文獻中原舊箕裘戶部清官終一麾守事歷五廷評掛
壁琴無譜傳家硯有名東風吹盡翠溪上若為情

挽李郎中

少日聲名偉中年學問腴氣緣經事老形為愛民癯
引朝陽鳳魂驚古冢孤遺忠攄不盡英爽射匡廬

河洛輟微響朱張傳古心世隨人影落君嚮路頭尋
蔓草侵山徑柔荑死樹林良朋更能幾百感集孤斟

挽青陽俞夫人

彼美宜家室之媛友瑟琴漆園歌未歇澧浦珮還沉
懿範貽彤管佳銘得藁砧卧龍山下路風雨亂愁心

挽貴平大夫

介介汝谿叟青衫三十年澹如彭澤柳廉過石門泉漫
仕曾無意遺文竟有傳浮山讀書處定跨玉螭仙

挽王夫人

婉婉嫺詩畫僮僮被典章有齊先祭潔薄蕡展衣香
嗔衛心雖切傷周義不忘勉哉君子正彤管尚遺芳

挽鄭夫人

淑行繇真履慈根自夙知性情詩調適內外禮維持
春閤青蘋亂秋原白木悲只今哀窈窕手線授衣時

挽雍處士

折柳詩名遠滋蘭德本深
捷禽能起孝訓鯉只平心半
夜酒星落千山薤露吟芭蕉溪上水嗚咽不堪斟

挽游監簿

好漢三巴傑危言九陞忠王前
留孟子國爾念周公日
馭龍堆出天昏虎踞雄收聲
諸老盡銘有後谿翁
昔上金泉去翁方玉局閒
橘中春響電壺裏曉行山
迢
叟空扶杖坡仙不賜環
每思生處所壯淚為公潛

五言長律詩

塞下

黃雲連隴樹紅日下溪榆旆帳三千里蜂屯十萬夫魯
芻肥廩馬漢粟遺城狐虎嘯空涵月犀渠半網蛛游軍
聲勃率巡徼語隴胡柳脆藩籬薄桑乾塹壘孤突炎將
及燕逋尾又侵烏曲引梅花落謠聞小麥枯將軍金駉
裊輕俠繡螭孤十二營田利知誰上此圖

壽安宣相

磊落堪興氣崢嶸社稷身地傾曾鎮靜天造要經綸倉
首懷公輔中原仗老臣綸揚申命寵渥照午橋新司馬
還辭洛汾陽再入秦乾坤重拆洗寓縣細縫紉汰擊鯨
波濁風清虎穴塵綠林戡大盜紫邏息罷民魴尾喁喁
活龍驤帖帖馴按行光弼壘斜岸武侯巾究宅歌鴻鴈
參謀集鳳麟星營羅粲粲雷轂隱鱗鱗飛輓通關表耕
屯集渭濱軍容俄再色威令復重信烽火閒荆楚塵沙
卷劒岷馬騰雲隴月士飽雪山春來石非無傑平江亦

有人誓功俱不再方德信誰鄰弓矢宜專晉鉤膺遂錫
申鵬銜凌井鉞龍節壓參神衛幙論功盛韋門送喜頻
河陽分鎮日許國授弓辰勲業當如此恩榮實邁倫一
忠摩皜日二節貫蒼旻績偉官難報天高德最親丹書
名泮泮黃色喜津津咸頌僖公柏誰言莊氏椿永為民
立命長秉國之鈞信作三朋壽都由一字仁東歸知不
遠香信已浮銀

七言律詩

壬辰恭和御製聞喜宴詩

清問諄諄許盡言以書為轍道為軒鑑觀萬古知成法
條析羣疑見大原櫻苑近頒天上句燕杯新帶雨邊恩
燃藜夜取雲章讀照乘驪珠炳若存

乙未恭和御製聞喜宴詩

聖學希天善牖民風霆鼓舞氣如神轉回姚姒文章古
作起殷周禮樂新有限科名非究竟無窮經術要紛綸
事君自昔無他道不有其身是致身

谿亭春日

不必尋芳出遠郊，八分春盡屬亭臯。
漫波綠皺一溪水，暖日紅蒸千樹桃。
烏遶屋簷呈卦兆，鶴窺庭戶聽離騷。
靜中識得生意堂，下簾蕪更不孀。

春事無邊著語難，得逢佳處輒停驂。
河豚漸美誇梅十，芳草如屏說柳三。
小韻作詩防跌宕，淺杯斟酒怕沉酣。
買山那得青錢在，只欲花間結小菴。

又和洪司令春日

房湖曾別苦吟身兩度東風似一塵
柳外游絲難繫日
麥邊馴雉亦驚春
玄都君子皆通貴
栗里先生祇一貧
珍重龍陽賢太守
時將詩句惱陳人

送成都添倅李微之分韻得巫字

本住陵陽處士廬
不妨名字落青都
題輿帶閣添新號
抱史還山只故吾
秀水穩宜眠夏簟
惠泉香可煮秋菰
勸君莫動騷人曲
柳葉蘼花降女巫

湖亭酌王史君紀事并呈看花諸君子

紅雨斑斑點嫩苔朱輪軋軋碾輕埃園公不作橘中隱
康節肯從花外來鶯囀樹林添道韻鷗分江色獻詩材
藍輿便載春歸去誰管醪醕芍藥開

王巽堂三十年不到湖亭丙戌春再來非舊矣
用前韻以竢後遊

庭院深深鎖綠苔掃花無帚半塵埃紅霞滿樹劉郎去
青子垂枝杜牧來乍可放閒寬酒地不能隨俗貯香材
醉翁自有山間樂更取林霏手斫開

老將

一從十五長邊城少見兵戈日太平代馬依風都護道
飛鷺熏霧伏波營紅雕腊軟君王賜青兕裘輕子女情
昨夜點行新部曲鐵衣偏奏苦寒聲

永嘉鹿鳴宴

人間富貴易浮沈只有斯文無古今義理工夫元坦易
聖賢言語不艱深莫隨近世諸儒轍要識開山一祖心
待得了他科舉債梅花月下聽瑤琴

和張亨泉宴鹿鳴

平生湖海獨元龍
門作丹梯倚太空
還我蛾眉千項月
借渠羊角一帆風
文隨腳跡機難活
學到源頭理自通
何代不生田表聖
諸君切在敏前功

宣城鹿鳴宴

儒臣簪筆典州麾
重為江山緝舊儀
宴序古來元有禮
鹿鳴廢後更無詩
科名到手還須耐
文字當場莫好竒
更盡工歌笙一曲
明年春灑上林枝

至日示諸甥姪

莫風浩蕩忽吹葭一室陽春病已差把酒認為天一水
見梅題作玉真花燕常會族寧隨儉祭則從先不尚華
過此肥冬疆事靜亦呼槃也早還家

題望湖亭

祥雲宮殿半荒蕪獨有亭基下瞰湖水氣淼茫吞八極
地形磅礴跨三吳一輪紅日射銅闕數點青山浮玉壺
欲問湖邊諸澳長長洲盜賊已平無

和李永弟賦袁尊固海棠

洛陽牡丹蜀海棠方謂之花餘皆草木也唐
鄭谷於浣花谿上羅村路邊俱為海棠賦然
謂子美無情為發揚又謂堪恨路長移不到
則誤矣重於錦官者即此詩也植於錦榭者
即此本也月卿尊固曾侍先大參魏公帥蜀
以其兄弟與紅萼為鄉人置酒高堂燒燭其
下相與道花屋間話慨流光之易失悵樂事

之難追懽戚嬰懷飲少輒醉後一日季永弟
賦五十六言識之坐中諸賢賡和殆徧某輒
續貂於其後

感策聲中氣序過谿頭燕子又歸窠清涵夜色花無睡
翠洗晨粧臉半酡紅萼尚懷鄉國舊錦心空抱客愁多
飲酣樂極翻成感淚濕臙脂雪滿坡

張仁溥寄游滄浪詩用韻一首非為滄浪作也
卉木萋萋二月寒杏垂紅雨涕浪浪無司花女太幽絕

有索酒郎多醉狂弄影莫陪張子野斷腸空憶賀橫塘
春來亦欲尋詩社却怕詩工與道妨

讀黃子實詩卷

香山居士讀張文昌詩編以樂府詞為工雪
堂老僊讀孟東野詩祇愛銅斗歌為近古昔
之以詩名世者蓋不盡好也子實以詩卷託
同幕轉似一編之中粲莫可耘而其閒游有
云賸攜尊酒斟藍尾惜不杯羹薦墨頭則屬

辭之工也題豐都云履痕莫辨陰王跡敢去
多題漢晉年則致趣之遠也十二峯下月穿
蓬席罽風軋舵牙聲已東縣旅夢難安枕村
酤不滿瓶則混之晚唐集中莫辨也某既不
能徧和亦豈可無以奉答珍貺輒書五十六
言於其後命之曰讀黃子實詩卷

唐人漫自說金華山谷雲孫自當家玄色釀成真一酒
別機織出象生花緬懷友義留巫峽難割閨情下漢嘉

看徹一編酬未得夜深窻月淨籠紗

壽李鴈湖

當年指李記生辰柱史疑為法報身魚鳥泳飛南閣曉
風花經緯石林春手繙萬軸談無底胷著千年汲愈新
試看喬松霜雪後凜然一節照時人

自卷朝衣濯鴈湖勲名籍籍在黃樞時聞走卒稱司馬
猶有羣兒問大蘇赴隴尺書馳鶴板起家萬石綰麟符
宵衣炯炯思黃髮正藉元勲出手扶

洶洶風濤卒未清便提小隊按行營一言刑省朝歌盜
單騎恩懷渤海兵豐德自應通綠籍長年何必飯黃精
勸公剝壓蘭英酒為作涪川小太平

身駕青牛老子車行雲來去自紓徐精神健好充黃野
骨法清真貫玉廬六十二年康節詠五千餘卷玉川書
石林莫作盤居計黃紙看看又詔除

壽范漕

粲粲桐花昨夜風吹香還到鹿園中前生出處黃山谷

後代風流范蜀公灑落一襟涵霽月精神滿面貫晴虹
直須整頓坤維了歸侍祥雲一朵紅

自從繡紱解麒麟一片忠誠只為民涪水竹枝秋送客
漢嘉火樹夜迎神玄蜂赤螳三垂靜白黍黃雞萬井春
儘使蜀人翻覆看皇華禮樂只如新

伏波老子縛長虯典護蘭闥更兩秋學問只從苗脉看
辭章不嚮語言求俱稱腳跡門生好無復顏行執事羞
夾袋中間富人物更須為國貢琳球

福星一點夜堂深藻泮花泉共照臨歌詠春風曾點瑟
體當生意宓君琴喬松已作參天色寸草猶持報主心
但翼斯文扶壽脉年年一穗熟犀沉

客中和程丞相雪

蕭蕭客歲澹如家耿耿青燈凍不花
窻外曉添梅意韻
田間春透麥精華書來頗復懷歸鴈
杯散何繇覓畫蛇
明日雪晴鄉社去辛盤隨俗點春茶

和杜樞密雪

紫宸朝動雞人唱一片天光接絳河
花樣繡鸛衝曉去
雲鋪毬路帶春多
邊無足馬比寧地土有遺蝗奈凍何
繁重玉龍猶未老莫將圖畫寫披蓑

一自金鑾陡下坡更無津可問明河
雲蒸黃野風寒薄
雪皎皓庭幽思多
高艷未能攀屈宋寒灰聊復撥陰何
聚星堂上如相問竟日長鏡對短蓑

和趙西里賦雪

謬守無奇只靠天一編周易一爐烟
抽毫難出相如右

覓句敢居靈運前
酒酌山羊方餞臘
簫鳴土鼓又祈年
何時獨放扁舟往
淡月西村古柳邊

和張仁溥賦雪

北風聲熄南山微
誰息風雅呼於時
歌黃三章未純古
叙白一段空愛竒
臺高皆羨雨花落
簷短獨愁冰柱垂
墨客如林筆如塚
莫於詩上更題詩

清曉踏雪送季武博

送客陵陽第一峯
臨分莫過順帆風
人行水驛梅花外

詩在昭亭雪界中破屋但留黃蘗老高風難覓紫芝翁
寺有黃蘗禪師像
山有周紫芝詩 筍輿訪別驚回首無數寒鴉點碧空

嘉熙丁酉七月上澣遊大滌題住山龔冲妙良

泓軒

舊與清泉白石盟身閒方作洞霄行青山延客元無鎖
碧澗流花似有情古洞欲隨仙隱去高岡終待鳳來鳴
道人喚我松間飲坐拂寒雲月未生

欽定四庫全書

鶴林集卷四

宋 吳泳 撰

七言律詩

壽張亨泉提刑三首

蓮花峯下發源深
曾次淳涵幾古今
事苟及民湏著手
文非為道不關心
扶持世界歸儒效
轉斡天機自筆箴
主靜工夫人不識
火陽五月正根陰

二年煙雨漢臯亭
玉節西來照雪明
慷慨報君渾是膽

馳驅將毋莫非誠稻禾水足青疇潤烽火宵閒紫邏清
鸞鳳莫將鷹隼看及時須為國家鳴

末學紛紛競為人公能康濟自家身形軀元備人間世
肝肺盡收天下春觀我自應知愛重識心須會起經綸
壽觥難著皇華語抱取峨眉月半輪

壽崔侍郎三首

天開碧落洗雲扉暫輟僊郎下紫微獨有素琴隨從橐
更無侍史護朝衣霜清潦淨榮名薄棗熟花香道力肥

列炬照空還歲晚明年仍傍火城歸

胷次知蟠幾監書事隨天理只平鋪來從京兆德星社
攬取西峨明月湖民豈無衣湏補綻極元有柱要撐扶
欲知天授西平意繡帽臨戎為萬夫

小隊元戎未弭旌羣飛鶴鴈已充庭

富鄭公生母
夢旗鶴降庭

只緣

匹馬修途健喚起三刀昨夢醒

崔帥曾
夢入蜀

犀塵自揮坤寓

靜鯨風不漲海波停牛頭袞袞春無際捻出三詩壽蜀

星

壽周提刑二首

分得濂溪一派清
皇皇仁義不貪名
金華學道行持到
禹穴題興去就輕
一節以趨何簡易
十年不調轉光明
匡時富有經綸在
若木華邊緩轡行

自乞銀符守漢嘉
就持漢節問梅花
庭扉訟少閒微棘
堰水流多漚紆麻
論擊回邪牴觸角
化銷彊暴鼠無牙
更看植杖扶犁叟
清議依前說使家

壽史石泉二首

冒次玻璃湛不搖高風炯炯揭氷條崑墟已瀉南軒派
蜀貢猶傳北斗杓問學有源天一水文章無盡海門潮
三灘五渡多人物難得公家月指標

露洗秋容一片清遠山高與雪爭明賢侯元是嶽神降
上相先從佛臘生畫戟不妨當燕寢白囊無復到雞城
新來連日西郊雨還作山間小太平

壽某翁

當日麻衣抑未猜貴公元自有僊材文辭敏妙真星魄

學問沈潛是聖胎黃石授兵非有意紅旗破賊却歸來
阿同且共玻璃飲源上桃花想未開

壽范潔齋

合下金相氣質渾更參諸老徧宗門箕山再得顏回婿
榮國還生孔子孫學問不趨岐路徑文章祇好古壘尊
至今尚得詩書力一氣清明中夜存

青袍朝士走紅塵公獨紉蘭結佩紳不事王侯嫌炙手
豈除御史更呈身寒花秋後看名節喬木霜中見本真

吾道天寬連地大羊溝那得繫麒麟

瀘水風濤七載還今年贏得在家山
臨流領客清溪上
滴露抄書翠竹間
晚計作堂應未晚
閒居成賦恐難閒
雲昏八表邊烽息
須得伊人護玉關

憶昨薰風會面時猶龍老子亶冲夷
忠文晚節三年過
上相生辰十日遲
內景兩篇時點檢
中庸一卷曉行持
朝來泮水鶡音好
目注西山擬壽時

送洪司令

經年分月伴西清又佐戎輅勇北征下馬必能書檄草
從軍元是擅詩名熙豐作俑能無過元祐操舟却要平
局面既新基勢別消詳專在幕中評

夏日曾隨別駕歸朔風還作送公詩行軍司馬自文采
祭酒諸生亡崛竒國事急忙中着手邊籌閒暇處開眉
嘉陵想已波濤落風雨無忘泊岸時

送梁漕東歸

四年一節蜀山間父子重來世所艱鏡月澄心寒吏膽

條冰濯魄映儒冠孤清自古知誰似遺愛于今愈耐看
歸去光明贏一着笑渠袖手直旁觀

皎皎從來世不容平平未足與言功介言西事何妨謫
洵著權書竟是忠祇為邊民憂自北卷將吾道載而東
分明自有天知己趣檄行看騎火紅

和張周玉峨眉山行

撻筇更上最高峯浮出修眉翠掃空雪汁半消巖路口
苔衣倒掛樹林中異禽語已非人世香草名應繫國風

晚色漸侵衣袂冷恍疑身在藥珠宮

出郊懷汪尚中代簡

一春烟雨盡愁端晴日郊行尚怕寒
芳草被堤風信過雜英滿甸雪泥乾
劉郎去後花無恙杜牧來遲春漸闌
明日為君開社甕莫教人倚玉欄看

和虞滄江餞臘觀梅

買斷江天不用賒絃琴觴詠樂無涯
年深屢見巢添鶴春到還知未放花
時有詩情窺洛社斷無書尺到京華

面前楊柳風來處豪岸依然屬富家

餞歲江梅老樹邊每逢佳處輒犁然吟風弄月成勞績
種藥移花當買遷心事細評無此日春風長健有明年
更期人日連頭去酬此青蘋木末天

和韻謝惠提幹約觀梅不赴

纔看花回晚日明停杯不飲樂空橫羨君灑落方成趣
笑我虺隤不及盟但向舍南窻北看渾如林下水邊清
自來太素先羣物枉被山礬喚作兄

宣城勸農

一分東作五分春
相汝耕夫更在勤
七月詩成種田法
庶人章作勸農文
祈蠶必使蠶如甕
卜稼須觀稼似雲
老守別無新治行
只將豐歲答吾君

永嘉勸農歸舟中

使君每愛讀豳詩
稼事艱難亦粗知
水凍未聞秧布野
年饑且喜麥生歧
坐間白叟真堪貴
眼底朱衣總是癡
趁刺畫船呼客語
春風已滿勸農旗

贈鄉僧祖元

僧祖元本里中秀才厭世事塵勞翻然出家
因遊鴈峰遂斷一指誓不復還鄉人目之為
一指頭禪蓋譏笑之也自後南行學益長又
有能詩聲予愛其勇猛精進漫作數語挑之
挑包不住鴈邊峰萬里來參琰淞翁刀割萬緣隨指斷
鏡磨諸漏著身空不從貝葉鑽陳跡只向蒲團下鈍工
結習依然銷未盡有時詩語學琴聰

壽鄒都大

石虹繚繞氣如雲中有胎僊字卯神大宅寬平春滿面
一條瑩徹玉為人細看火後交梨熟不及霜中碩果新
六十二年無一事堯夫端的是前身

易言來復甚昭昭須識陰陽動靜交乾德衆賢當首畫
建炎諸老得中爻水波已動龍難蟄時運方清鳳合巢
會得生生無盡意不須詹尹揲瓊茅

梅花又是隔年看節節光明雪照山赤螳玄蜂邊徼外

黃雞白黍野田間鵠頭久已書丹版燕額仍須護玉關
獨有檀沈烟一棧明年還遶屬車斑

嶰竹吹香子氣分蒼蒼有意瑞斯文已從嵩嶽生申伯
復嚮西山壽卯君鮐背自宜當職任虎頭曾已策功勲
壺中日月春長在且試犀沈一瓣薰

端平改元陽月同弟某自南山過龍井山僧饒
舌話辯才近事且以某兄弟為坡賴當有所識
因賦

一百年前老辯才復褰絛帶下山來松杉溜雨驚龍起
篁竹生風喚鶴回戒行淨通林水觀語言香落寶花臺
更看坡潁留詩處月墮山空眼豁開

宣城宴六縣宰

本是詞林翰墨臣詔書特遣牧宣城使君只辦平平政
令尹無要赫赫名獄苟得情須近恕財如足用莫求贏
荻花風起江防急秋閱應令弩手精

寄題蔣灣效堯夫體

剛把西湖賣與鄰卜園新得蔣灣春半荒亭樹景偏老
欲壓溪橋花更真漫賦莫教詩過好淺斟時要酒輕酌
若能會得閒中趣便是羲皇向上人

送范仁叟解褐西歸并簡定叟

子館於予恰九春臨分更欲問雲津良心易放當持敬
精義無窮要汲新芻狗科名應是夢貂蟬宦業竟成塵
世間公議難磨滅第一還須作好人

壽安宣相

晶然老子本冲夷起為蒼生護北陲邊吏皆能問司馬
市人曾不識安期拊摩紹背應耆艾舒卷龍韜自崛奇
九老圖中張白後合添同甲一篇詩

梅花又是隔年看節節光明雪照山百萬虎貔雙劍外
三千駉牝寸田間鶴頭捧詔從天陞雞舌含香赴曉班
富有春秋洪願力宅家那得放公閒

上謂無官可報卿延登左棘倍恩榮勲存社稷身俱泰
志在生靈物轉輕平蜀以前誰磊落渡江而後獨光明

蚤令不作湘潭夢料得中原已掃清

文俗諸儒戀局中何曾度外看英雄連雞縱不能資夏
捕鹿何妨暫掎戎靜撫時機漁者得遥觀敵運獸之窮
書生準擬浯溪石明寫中興第一功

用韻謝帥機惠春盤

梅柳陰中漫寄家閒如翠鴛立晴沙癭藤罇內抄松子
行玉槃中揀蕨芽猶有鄉風餐白啖更無春夢草黃麻
郊行莫待芳菲月花未開時好看花

再用韻呈帥機就寄仁溥

少學東坡頗愛奇
夜抄燈疏藝松脂
老隨年度幾絃瑟
愁怕月窺雙鬢絲
蠶市已非吾故國
菜園猶得子新詩
閒人不管東風鬧
麥飯枯魚著頓炊

病中有懷

二年多病少佳懷
酒落杯中見影猜
青女降霜溪屋冷
白姑記日命宮災
柳州解崇崇頻作
孫子逐疔疔轉來
就使新春年運吉
鈍庚難撥馬頭開

洪都病中口占

去年興疾上洪州百感嬰懷又怕秋
病體不因衰後覺官情誰向死前休
乞身已晚荒三徑葬子無期負一丘
造物儻從心所欲樂天知命更何求

送洪司令赴闕

曾記嘉陵共艤舟江風又是荻花秋
三年長別不一見十事欲言還九休
頻聘交馳淮水濁行程不定隴雲愁
鳳鳴已向朝陽去飛雨殘霞濕柁樓

寒食

芳樹啼鶯絮亂飛疾風吹雨送愁歸梨花落莫還鄉夢
麥粥淒涼展墓儀倦客忍聽谿上曲游人猶習水邊嬉
西瞻太白家何在擬托征鴻寄我衣

黃漕祠堂

古誼寥寥千載間却從賓主得窺斑道同元不分窮達
禮重何妨尚往還拄杖過橋聲易識壁紗籠墨句難攀
篝燈試取豐碑讀名壓三犀石更頑

徑山留贈無準

十載京華少得閒，茲游渾似夢中山。
僧行古道元無徑，雲掩重扉更不關。
夜語濃時花簇簇，禪機漏處月灣灣。
東坡妙喜無人識，徃徃神遊在世間。

試院和李湛谿韻

呵叱星辰賦遠遊，更提水鏡著中流。
讀書有眼月千里，愛士無方春九州。
論及養生渾是道，時因主試却關愁。
武夷不作逢溪老，亦欲臨風助擊鷗。

沔州和李長孺

朔風吹雨濕征衣
卿月西昇伴紫微
出塞未經榆眼白
宿師先喜麥頭肥
寶刀尚可屠龍去
錦字何緣寄鴈歸
猶學騷人工索句
品題香草詠菲菲

和洪舜俞太一宮韻

祠事歸來夜向晨
仰瞻天宇肅無塵
餅搗金井輓轡曉
鐘撼茅山幡影春
傍水且栽梅半樹
掃簷莫使雪橫陳
栢臺近日清無酒
羸得吟詩分外新

謝尊固送茶

閒居早是賓傳寡有弟山行訪鳥窠黃卷漸成迂叟僻
朱顏不似美人醜詩因怕事吟偏少酒為看花飲輒多
珍重山園芳茗餉猶勝鄉國趙家坡

春寒病痞痛用古砭法以磚熨之忽一夕帳煙
塞滿火自下炎上焚衣被之半有感賦之

怕寒不暇解衣眠偏塞蒸成帳頂煙學士磚頭因火灼
尚書履下透衾然洞存玉性真剛漢焚却禪身笑浪僊

收歛道心中夜坐室虛窻白月如弦

挽李寺丞

世人談利析錙銖汲義如君此道孤無地起樓憐冠老
有園和契遺堯夫西山別後常懷子東國歸來已棄予
自昔祖風高挂劍愧無佳語潤黃壚

和洪司令九日觀閱

獵獵西風九月寒元戎緩帶撫齋壇士腰弓箭翻雲去
人擁旌旄夾道看振旅陣酣金柝靜從軍詩落玉蜍乾

南山不謂無嘉節深惜諸賢玩燕安

劒花弓月幾秋寒宿將凋零更不壇師衆弗於先事戒
蒐田祇作具文看戍還黎雅魂方定箭洗褒斜血未乾
為報道傍泥飲者尹來遺汝百年安

五言絕句

用晦翁十梅詩韻酬張伯脩孫子直

幽人履貞吉采藻南澗濱所采一物微所思萬物春
柳絲不禁梳桃毳不耐雪梅殘剪春綃永日霏不絕

椒椒充佩幃孤芳處幽絕當年老虬枝豈為風雨折
最後黃香根纖裳粲黃裏能以色事人空博一時喜
看花須看神折花莫折殘但使花骨清豈畏花地寒
老瓦莫厭簷奚童莫嫌小及時不為樂頃刻芳事了
聖涯浩無邊人乃揭其淺安知舍瑟中道味益深遠
浮名鏡邊塵驕氣爐上雪年來如木鷄我肱已三折
書消燕日長綦遣花院寂何羨山中人餐霞拾橡實
為花能工詩不如賦拙賦珍重春陵翁能尋所樂處

七言絕句

果山春郊即事七首

晴嵐撲撲染人衣，
酥意溶溶接岸陲。
春事平鋪都放着，
不應祇認小桃枝。

梅事忽忽半雨殘，
李粧羞澁尚春寒。
人情只道花時好，
花未開時正耐看。

野寺藏春不一奇，
靜機還有動機隨。
幽尋往往行終日，
未信東風屬酒旗。

花舍別墅無邊思水放長渠自在流別是一般閒富貴
田家那肯讓公侯

簷花夜落曉還晴應為農祥一展顰慙愧青裙南畝婦
犁頭能得幾多春

官事無窮類海潮寸腸忍使自煎炮素馳種樹安心法
且併閒功子細抄

酒燈暮雨憶昏黃那得佳朋話此腸豪氣已隨煙柳折
未能除得作詩狂

郾縣春日吟

去年春日百花斑
今歲逢春萬竹間
花靚竹香宜細看
春風不會一朝閒

無窮官事日裝懷
甫及芳時畧放開
騷傑編排詩社去
酪奴勾管醉鄉來

後霜庭草芳猶茁
承露林花翠欲歌
體認乾元何處是
初春天氣早晨時

雨脚垂垂未肯休
舍東流滿舍西流
八分春種胚胎了

新水纔來便徹頭

不寒不暖杏花天
爭看蠶叢古寺邊
舊日尚留耕雨具
新年難得買花錢

樹桑五畝育雞豚
器用匏尊老瓦盆
舊禮諸儒都壞盡
西家却有典型存

暖暖人村翠樹連
鶯拖野色度晴川
新詩無限來供眼
才涉思量又不圓

醉騎花影少年間
謔弄風光古將壇
漸覺年來無補益

祇將春貯在脾肝

素絲五絨詠羔羊且是公餘燕日長黃妳味甘逢孔聖
黑甜睡美謁羲皇

舊穀纔登幼婦場新蠶復出小姑娘忙書生却美閒針線
枉學明河織女襄

和洪司令梅花

結綺臨春貯麗華吹香偶到野人家霜明月白紗窗淨
但見梅詩不見花

杼雲新卷雪泥乾剪剪輕風薄薄寒莫遣水龍吹別調
放教春在玉欄干

和虞滄江賦梅

素肌香骨水為寒曲樹斜枝木作酸百匝遶花看未足
庭空參斗夜闌干

衣分水潔佩瓊瑰笑飲溪頭月下杯歲晏得朋真樂在
不須青女作行媒

青蒲翠草望秋零亂絮迷春困不醒林下水邊時一見

對人應是眼中青

每對梅花輒解顏
瑶林孤絕迥難攀
擬將和靖橫枝句
樓入離騷大小山

吟成亟取夜鐘敲
淡月籠窗昏曉交
真態莫將形色看
當如相馬得蒲梢

萬山春到直叢叢
誰省東皇有化功
生意溶溶呈露處
看隨葵麥蕩搖風

不御鉛華別是花
丰神高潔自成家
含章不解春風意

猶倚殘粧隔絳紗

交花煜煜露生香一味清來浣我腸
文字語言今落去聊吹別調作醒狂

安西馬

月脇霜飛鏡夾瞳龍媒掃盡朔庭空
沙丘尚有真驪牡端自方臯一顧中

蠟梅

若得西湖處士疑如何顏色到鵝兒
清香全與江梅似

只欠橫斜照水枝

登羅浮山

要閒終是不曾閒
猛歇當頭名利關
揩洗一雙清淨眼
稻花雨裏看浮山

海山半夜失蓬萊
微帶雲根雨脚來
元是道家清絕境
世間妄指作陽臺

玉蟾奔月竈爐乾
老鶴巢松殿宇寒
裏面看山山不見
不如只嚮外邊看

琵琶

錦調巴音祗四絃倚門空抱向誰憐主人一自知音後
傳入王孫綺玳筵

桂

團團玉葉振天芳清澈瓊樓午夜光元是小山分種去
移來西蜀作甘棠

玉川茶

一旗初試蜀山春團鑄誰論茶與丁更出苦言澆諫味

世間醉夢合俱醒

病中宿白水

觸熱山行陡頓餘急攜拄杖息禪居老僧不惜山中寶
持出銀函貝葉書

中峯

連空閣道結飛霞袖子雲遊少住家問訊兩仙呼不應
鳥啼驚落一巖花

和張憲登烏尤山

燕臺愛士拔其尤
徹去藩籬各與驕
藻翰宿春題品徧
青青无復土山焦

世涂偪仄動逢尤
山似高人色頗驕
寸碧亭亭還綠遶
知音不待爨桐焦

放懷物外亦何尤
便謂遊遨士也驕
西日下來嵩際宿
別尊難齧爵皆焦

子知天分不人尤
豈若紛紛式屢驕
舊見已知霜葉脫
新知纔似穀牙焦

天戈何日戮蚩尤
省得營屯戍卒驕
事會無窮人物眇
坳杯莫救釜中焦

椒丘徐步不離尤
結駟朱門易養驕
寧似木鷄甘用拙
弗如龜筮以靈焦

和觀碁

七雄虎鬪着難下
三季蛭蟠石不磨
蠻觸紛紛無了日
青秧白水弄鎌柯

華嚴寺

纔上華嚴第一山倚天雙闕不曾關
白花紫栢漫山路猶覺桃源在世間

上峯頂

一峯駱駝嶺突兀萬級胡孫梯
屈盤佛法豈無平易處怕人只作等閒看

光相寺

雲氣巖從暮曉山晴曦倒影射闌干
須臾變態還空寂水接天光一片寒

牛心寺

青蓮兩兩照山開
道是金僊手自栽
人與金牛俱不見
更從何處覓心來

和李鴈湖晚春即事八首

琴書澹泊古羲軒
花木幽閒漢綺園
碧落青蒿無用買
湖光一曲道真渾

紛紛花片落車茵
點點苔錢襯屐痕
造化生機渾不盡
又將新綠轉春溫

鵲鵲停雲八表昏
終風吹雨泊天門
繫船東港綠壕去
落日牛羊下遠村

避人不必武陵源
蕩有芙蓉谿有蓀
弄水澆花心自遠
何妨酌客兩三尊

長鯨須嚮海波翻
澤雉何由肯畜樊
步障連空鞋一屋
不如蕭散半山園

丰神玉雪更清溫
胃次涵濡七澤吞
聞道晚年偏好易
手探月窟足天根

庭草如茵鹿養茸體當生意屬僊翁遊龍不作千巖雨
却卷雲根向洞中

杏花漠漠柳陰陰髣髴前年禮殿深
賴有詩書緣不盡
青燈細雨短長吟



